

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalno pravobranilaštvo

Na osnovu člana 34. Zakona o radu („Službene novine Federacije Bosne i Hercegovine“, broj: 26/16) i člana 20. Stav 1. Zakona o pravobranilaštvu („Službene novine Tuzlanskog kantona“, broj: 4/04, 5/08 i 2/14), a u vezi sa Odlukom o prijemu pripravnika – volontera, broj: 02/1-34-16622-2/17, koju je donijela Vlada Tuzlanskog kantona na sjednici održanoj 01.08.2017. godine, raspisuje se:

JAVNI OGLAS
za prijem pripravnika - volontera u Kantonalnom pravobranilaštvu u Tuzli

I

Raspisuje se oglas za prijem jednog diplomiranog pravnika u svojstvu pripravnika – volontera (u daljem tekstu: pripravnik – volonter) za potrebe Kantonalnog pravobranilaštva u Tuzli, na period do 2 (dvije) godine, bez zasnivanja radnog odnosa, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

II

Volonter nema pravo na naknadu za svoj rad.

Međusobna prava i obveze između pripravnika - volontera i Kantonalnog pravobranilaštva uređuju se ugovorom.

Po završetku stručnog osposobljavanja rukovodilac Kantonalnog pravobranilaštva će pripravniku – volonteru izdati potvrdu/uvjerenje o obavljenom stručnom osposobljavanju.

Nakon proteka stručnog osposobljavanja, Kantonalno pravobranilaštvo se ne obvezuje zadržati pripravnika - volontera u stalnom radnom odnosu.

III

Svi kandidati treba da ispunjavaju opće uslove za rad u Kantonalnom pravobranilaštvu i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

IV

Pored općih uslova, kandidati trebaju da ispunjavaju i poseban uslov i to:

- da je diplomirani pravnik, visoke stručne spreme - VII stepen ili da ima visoko obrazovanje prvog, drugog ili trećeg ciklusa Bolonjskog sistema studiranja - pravne struke koji je vrednovan sa najmanje 240 ECTS bodova.

V

Uz prijavu je potrebno priložiti, u originalu ili ovjerenoj fotokopiji, slijedeće dokaze:

- diplomu o završenom fakultetu,
- fotokopiju lične karte ili potvrdu o prebivalištu,
- prosjek ocjena završenog studija (uvjerenje od fakulteta),
- dokaz o dužini trajanja nezaposlenosti (uvjerenje nadležne Službe za zapošljavanje),
- dokaz o sudjelovanju jednog ili oba roditelja u odbrambenom ratu (uvjerenje nadležnog organa).

Kandidat koji bude izabran za pripravnika - volontera, uvjerenje o zdravstvenoj sposobnosti mora dostaviti najkasnije do zaključivanja Ugovora o stručnom osposobljavanju.

VI

Odabir kandidata za stručno osposobljavanje vršit će se na osnovu kriterija dužine trajanja nezaposlenosti nakon završenog fakulteta i prosjeka ocjena završenog studija.

U slučaju da kandidati imaju isti broj bodova, prednost imaju članovi porodice šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica („Službene novine Tuzlanskog kantona“, br. 5/12 i 5/14).

VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Kantonalnom pravobranilaštvu, Ul. Aleja Alije Izetbegovića broj 2, 75 000 Tuzla, putem pošte preporučenom pošiljkom, sa naznakom „ za Javni oglas za prijem pripravnika – volontera – ne otvarati“, u roku od 15 dana od dana posljednjeg objavljivanja oglasa.

Javni oglas će biti objavljen u dnevnom listu „Oslobođenje“ i na web stranici Vlade Tuzlanskog kantona : www.vladatk.kim.ba.

Nepotpune i neblagovremene prijave neće biti uzete u razmatranje.

O rezultatima Javnog oglasa kandidati će biti pismeno obaviješteni.

